

Headline	Melaka naikkan tarif air 16 sen		
MediaTitle	Berita Harian		
Date	25 Jan 2024	Language	Malay
Circulation	82,252	Readership	246,756
Section	Nasional	Page No	19
ArticleSize	418 cm <sup>2</sup>	Journalist	Amir Mamat
PR Value	RM 41,523		



# Melaka naikkan tarif air 16 sen

**Caj bermula bulan depan dianggap masih rendah, tak jejas pengguna**

Oleh Amir Mamat  
bhnews@bh.com.my

**Ayer Keroh:** Kerajaan negeri mengumumkan purata kenaikan tarif air bagi kategori domestik di Melaka yang akan berkuat kuasa pada 1 Februari ini sebanyak 16 sen bagi setiap meter padu.

Ketua Menteri, Datuk Seri Ab Rauf Yusoh, berkata kenaikan itu sekali guna meletakkan Melaka sebagai negeri keempat terendah di negara ini dengan purata kenaikan tarif kategori domestik di Semenanjung adalah 22 sen per meter padu.

Beliau berkata, susulan pelarasan terbabit, kerajaan negeri menerusi Syarikat Air Melaka Berhad (SMAB) memutuskan caj minimum untuk kategori domestik kediaman dinaiakkan dari RM6 kepada RM8.70 manakala tarif di bawah 20 meter padu meningkat dari 60 sen kepada 87 sen bagi setiap meter padu.

Katanya, bagi penggunaan anta-

ra 21 hingga 35 meter padu, caj dinaiakkan kepada RM1.52 berbanding 95 sen bagi setiap meter padu manakala penggunaan melebihi 35 meter padu naik daripada RM1.45 kepada RM2.02.

"Caj minimum untuk kategori domestik meter pukal perumahan pula kekal RM25, namun tarif air naik daripada RM1.80 kepada RM2.07 bagi setiap meter padu."

"Tarif terbaru itu sudah termasuk tujuh sen caj elektrik per meter padu," katanya pada sidang media di pejabatnya di Seri Negeri, di sini, semalam.

#### Peningkatan minimum

Ab Rauf berkata, menerusi tarif baharu berkenaan, kira-kira 150,000 pengguna akaun domestik atau 51 peratus pengguna tidak akan terjejas secara signifikan meskipun tarif air dinaikkan sebanyak 27 sen bagi setiap meter padu.

Katanya, ini kerana peningkatan bil adalah minimum iaitu antara RM2.70 hingga RM5.40 sebulan.

Beliau berkata, 81,000 pengguna akaun domestik atau 27 peratus pengguna biasa pula dijangka mengalami kebaikan bil air bulanan secara purata sehingga RM13.95 sebulan, manakala 66,000 akaun atau 22 peratus lagi akan menerima kenaikan bil air yang lebih tinggi disebabkan konsep tarif pu-



Ab Rauf (tengah) pada sidang media di Seri Negeri Ayer Keroh, semalam.

(Foto Amir mamat/BH)

nitif yang diguna pakai bagi menggalakkan penjimatian penggunaan air.

"Kali terakhir pelarasan tarif domestik dilaksanakan di Melaka adalah pada April 2011 iaitu 13 tahun lalu dan bermula 1 Februari tahun ini, bermula pada pelarasan tarif baharu bersama dengan caj elektrik sebanyak 7 sen setiap meter padu kepada semua kategori pengguna membabitkan 297,000 akaun pengguna domestik dan

46,000 akaun pengguna bukan domestik.

"Hal ini bagi membolehkan SAMB mengatasi perubahan kos elektrik disebabkan oleh surcaj pelapasan kos tidak seimbang (ICPT) oleh Tenaga Nasional Berhad (TNB)," katanya.

Justeru, Ab Rauf yang juga Pengerusi SAMB, berkata kerajaan negeri mahu pendapatan tambahan menerusi pelarasan tarif kali ini akan digunakan sebaiknya oleh

SAMB bagi membiayai projek me-naik tarif dan penambahbaikan sistem perkhidmatan bekalan air di negeri ini.

"Saya berharap pelarasan tarif baharu air ini akan menjadikan kerajaan negeri dan SAMB lebih komited memastikan sistem bekalan air di Melaka tidak mengganggu perancangan pembangunan negeri, khususnya membabitkan sektor pelancongan dan pelaburan," katanya.